

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 849 del 31/03/2026

De naiekait, enrire trong van Arge Alp, bart se hòltn ka Vorarlberg ont de keart en de jungen as hom zbischn de 19 ont de 22 jor. De vrong plaim offet finz as de 7 van moi 2026

“Alpinenergi - de jungen tschbinnen en de zukunft”: offet de zaitn ver za vourstelln der internazionalworkshop

[Mòcheno] S sai' offet de zaitn ver za nemmen toal en workshop “Alpinenergi - de jungen tschbinnen en de zukunft”, en programm va de 10 finz as de 12 van heibeger 2026 ka Vandans, en Vorarlberg (Osteraicht). De naiekait, envire trong va de Òrbetgamoaschòft van Alpine Region ont untermòcht van lander as toalmòchen va Arge Alp, derstellt a bichtega moglechkait ver za klòff iber de temen va de energi, va de pachòtlechkait ont va de ekologisce bècksln en de alpineplatz. De nochrìcht ver za nemmen toal as keart en de Autonome Provinz va Trea't bill tschern en nèt mear abia viar jungen as plaim en Trentin, as hom zbischn de 19 ont de 22 jor, as kennen guat klòffen de taitsch sproch, as noch sai' za studiarn ont as enteressiart sai' en de temen va de energi ont va de umbèlt. Bail en workshop de toalnemmer barn kemmen innganommen en interaktiv òrbetn, abia an strategische spil gamòcht van Istitut Energetische van Vorarlberg ont en internazionaln momentn ver ver za klòffen se aus pet lait va de glaiche elt as kemmen va òndra alpine region, derzua en de toalnemmer van Poolbar-Festival 2026 va Feldkirch.

De zaitn ver za stelln vour de vrong sai' kemmen envire zouchen finz as de 7 van moi as kimmmp.

De toalnemmer barn meing klòffen iber de zukunft va de energi van Alpn, asou za trong as de tischer as de ausrotn mòchen bos as tschbinnen de nain generazioni. Sèll as bart araus kemmen, bart kemmen vourstellt bail der Zòmmtreff van Stòtt Viarer van Arge Alp as bart kemmen gamòcht en herbest van 2026.

Programm

En vrait af de 10 van heibeger 2026

Aloa' kemmen ka Vandans, en Land Vorarlberg (Osteraich) ont pasuach en de elèktrese zentral va illwerke vkw, oa'n van greasestn as s elèktresch en de region ausgip

En sòmsta af de 11 van heibeger 2026

Workshop kan zentrum illwerke vkw ka Vandans ont, zobenz, toalnemmen en Poolbar-Festival 2026 ka Feldkirch

En sunta af de 12 van heibeger 2026

Zaruck aloa'

De toalnehmer as tschert kemmen sai' barn kriang zolt de kostn van bias, van semm plaim ont van naieikaitn en plötz, asou abia tschrim en de Nochrict. Men hòt zait finz en pfinsta as de 7 van moi 2026 za trong inn de vrogn, no en de virn as tschrim sai' en de Nochrict, ont men miast schicken de kòrtn per PEC en de adress serv.relazioniesterne@pec.provincia.tn.it.

Arge Alp ist an òrbetgamoas'chèft pagrunt as de 12 van schanmikeal 1972 ka Mösern, en Tirol, pet en zil za stitzn de neat as enteressiarn ungefèr 26 milionen va lait. De toalnehmer va Arge Alp sai' Taitschlont pet en Vraistòtt va Bayern, Osterrach pet de Lender Vorarlberg, Tirol ont Salzburg, Balschlont pet de Autonomen Provinzn va Poazn ont Trea't ont de Region Lombardia, de Schbaiz pet de Kantonen Graubünden, Sankt Gallen ont Tessin. Men vinnt òlla de nochrictn af www.argealp.org.

Derzua: nochrict

Ibersetz gamòcht van Sprochtirl va de Tolgamoas'chèft Hoa Valzegu' ont Bersntol

(cdt)